

**ASTIGARRAGAKO UDALAREN ETA
ARANTZAZUKO AMA IKASTOLAKO ARTUNE GURASO ELKARTEAREN ARTEKO
HITZARMENA DIRULAGUNTZA IZENDUNA ARAUTZEKO**

Astigarragan, 2026ko ekainaren 10ean.

PARTE HARTZEN DUTE

Alde batetik, Xabier Urdangarin Lasa, Astigarragako alkatea, Astigarragako Udalaren izenean eta ordezkartzan.

Bestetik, Ainhoa Aranzabal Duran, 35777324 L nortasun agiria duena eta G20573796 IF zenbakiko Arantzazuko Ama ikastolako Artune guraso elkarteko lehendakaria bere izenean eta ordezkartzan.

Bi aldeek hitzarmen hau egiteko gaitasun osoa eta kasuan kasuko ordezkartza aitortzen diote elkarri eta eragin horretarako ondokoa

ADIERAZI DUTE:

1.- Toki Araubidearen Oinarriak arautzen dituen 7/1985 Legearen 25. artikulua eta/edo Euskadiko Toki Erakundeei buruzko 2/2016 Legearen 17. artikuluari jarraikiz, udalerrien eskumen propioa dela: Kultura eta kultura-jarduerak antolatzea eta sustatzea, eta erabilera publikoko kultura-ekipamenduak kudeatzea.

2.- Arantzazuko Ama ikastolako Artune guraso elkartearen xedea, besteak beste, honako hau dela:

- Gurasoak orientatzea eta laguntzea seme-alaben edo tutoretzapekoen hezkuntzarekin zerikusia duten gaian.
- Ikastetxeko hezkuntza-jardueretan lankidetzak eskaintzea.
- Ikasleen gurasoek ikastetxearen kudeaketan parte har dezaten sustatzea.
- Ikastolako ikasle guztientzat aukera-berdintasuna sustatzea.
- Halaber, elkartearen xede diren eta ikasleei mesede egiten dieten prestakuntza jarduerak osagarriak antolatzea, hala nola, euskal hizkuntza eta kultura sustatzea, bai eta, indarrean dagoen araudia errespetatuz, beren gain hartu nahi dituztenak ere, estatutuaren hala ezartzen denean.
- Jarduera osagarrietarako eta eskolaz kanpoko jardueretarako dirulaguntzak eskaintzea.
- Ikastolaren kudeaketan eta martxa orokorrean familien parte-hartzea ahalbidetzea.
- Euskararen erabilera sustatzea eta bultzatzea.
- Irakaskuntzaren kalitatea hobetzea, oro har, eta euskal irakaskuntzarena bereziki, eta



Astigarragako Udala

ikastolaren kudeaketa hobetzea.

- Euskal Herrian eta bere izaera kulturean oinarritutako Hezkuntza Proiektua bultzatzea.
- Beste ikastetxe batzuekiko lankidetzatza.
- Euskararen normalizazioaren helburura egokitzen diren ikastetxeen garapenean laguntzea, bereziki D ereduari.

3.- Elkarrekin 2026-01-15ean (2026-00000000227 erregistro zenbakia) Astigarragako Udalari 1.500€-ko dirulaguntza eskatu diola 4. DBHko ikasturte bukaerako bidaia finantzatzeko. Bidaiaaren kostua ikasleko 600 eurotik gorakoa izango da eta, elkarrekin urtean zehar diru lortzeko hainbat jarduerara egin arren, familia bakoitzak jarri beharreko kopurua ahal bezain beste murrizteko, eskatu zaio laguntza Udalari, ikasleak Santio jailetako buruhandiekin atera eta Gau Beltzeko kalejiran parte hartzearen truke.

4.- Astigarragako Udalak 2026an indarrean duen dirulaguntzen plan estrategikoan ondokoa dago jasota:

Pertsona hartzaileak: Arantzazuko Ama ikastolako Artune guraso elkarrekin

Ematearen modalitatea: Izenduna.

Helburuak: 4. DBHko ikasleak 2026ko Santio jailetan eta Gau Beltza kalejiran parte hartzea.

5.- Udalak Arantzazuko Ama ikastolako Artune guraso elkarrekin izenean 1.500€ ditu udal-aurrekontuko kontu-sail honetan: 1 0700.481.01.334.20 2026 (3776)

6.- Dirulaguntzei buruzko 38/2003 Lege Orokorraren 22. eta 28. artikuluekin eta Dirulaguntzen Udal Ordenantzarekin bat etorrita, zuzenean ematen diren dirulaguntzen erabakiak hitzarmen bidez hartu behar direla; eta ezinbestekoa dela araudi horietan xedatutakoa kontuan hartzea.

Ondorioz, bi aldeek erabaki dute hitzarmen hau onartzea akordio hauekin:

AKORDIOAK

LEHENA.- Hitzarmenen honen xedea Arantzazuko Ama ikastolako Artune guraso elkarrekin antolatzen duen 4. DBHko ikasturte bukaerako bidaia finantzatzeko dirulaguntza arautzea da.

BIGARRENA.- Jarduera horiek bideratzeko Astigarragako Udalak Arantzazuko Ama ikastolako Artune guraso elkarrekin **1.500€-ko dirulaguntza emango** dio, hori baita Udal aurrekontuetan aurreikusitako gehieneko kopurua.

HIRUGARRENA.- Arantzazuko Ama ikastolako Artune guraso elkarrekin betebeharrak hartzen ditu:

3.1. Gutxienez uztailaren 22an eta Udalak eska dezakeen beste egun batean (saio



Astigarragako Udala

bakoitzean gutxienez 8 ikasle eta gehienez 16), Santio jaietako buruhandien kalejira antolatzea, hau da, ikasleak 8 buruhandiekin atera, gurasoek kalejira zuzendu eta horretarako udalak antolatutako bileretan parte hartzea eta urriaren 31an, Astigarragako Gau Beltza kalejiran ikasle gehienek parte hartzea antolatzailerik emandako jarraibideen arabera.

3.2. Dirulaguntzaren udal ordenantzaren 22. artikuluan adierazitakoa betetzea, hala nola: diru-ekarpena dirulaguntzaren xederako erabiltzea, dirulaguntza zurtzea, beharrezko baimenak eskatzea, udalaren ikuskaritza onartzea, hizkuntza- eta berdintasun-irizpideak betetzea, aldaketa esanguratsuen berri ematea.

3.3. Elkartearen ardura izango da ekintza bideratzeko beharrezko giza-baliabideak jartzea; eta nolanahi ere, indarrean dagoen legeria betetzea.

3.4. Dirulaguntza itzultzea, baldin eta dirulaguntza emateko ezarritako baldintzak eta betebeharrak betetzen ez badira, eta, nolanahi ere, indarrean dagoen araudiak xedatutako kasuetan.

3.5. Dirulaguntza justifikatzea 2027ko abenduaren 15erako beranduenez, eta gastuak ordenantzaren 24. artikuluan jasotako agiri bidez zuritu beharko dira.

3.6. Diruz lagunduko diren eta ez diren gastuak, udal ordenantzaren 8. artikulua dioenez, jardueraren izaerari inolako zalantzarik gabe erantzuten diotenak izango dira.

Ostalaritza eta dieta gastuak zerbitzua edo lana ordaintzeko denean bakarrik onartuko dira, baldin eta gastua emandako zerbitzuarekiko proportzionala bada eta zerbitzua eman duen taldekideei mugatzen bazaie. Kanpotik bidaiatu behar duten talde ez profesionalen kasuan bakarrik onartuko dira zerbitzuaren fakturaz gain ostalaritza eta dieta gastu gehigarriak.

Bidaia gastuak berriz, gehienez %30ean lagunduko dira.

3.7. Jasotako zenbatekoak itzultzea, dagozkion atzerapen interesekin, Dirulaguntzen Lege Orokorraren 37. artikuluan araututako kasuetan, bai eta Dirulaguntzen Udal Ordenantzan edota hitzarmen honetan jasotako baldintzak ez betetzeagatik.

3.8. Hitzarmen honetan hitzartutako lankidetzak eta betetze mailaren jarraipena egiteko udalak eskatutako bilerak egitea eta informazioa ematea. Udalak horrela eskatuz gero, elkarteak ezingo dio uko egin.

LAUGARRENA.- Udalaren betebeharrak hauek izango dira:

4.1. Onartutako dirulaguntza ordaintzea, Dirulaguntzaren Udal Ordenantzaren 23. artikulua aurreikusitakoaren arabera, bi aldeek hitzarmen sinatu ondoren onartutako laguntzaren %70eko aurrerapena egitea.



Astigarragako Udala

4.2. Jarraian adierazten diren udal azpiegitura eta materiala uztea: buruhandiak, maskuri edo erratzak eta zuziak.

4.3. Hitzarmen honen baitan burutuko diren jardueren informazioaren berri garaiz ematea Udalak hileroko agendan eta bestelako euskarrietan argitara dezan.

4.4. Diru itzulketen espedienteak izapidetzea udal ordenantzaren 26 eta 27. artikuluen arabera.

4.5. Hitzarmen honetan jasotakoak ez betetzea arau-haustetzat jo daitekeenean (*Dirulaguntzaren Udal Ordenantzaren 28. artikulua arabera*) zehapen espedienteak izapidetzea ordenantzaren 28 eta hurrengo artikuluei jarraiki.

BOSGARRENA.- Udalaren dirulaguntza bateragarria izango da beste erakunde publiko edo pribatuak xede bererako eman ditzaketen bestelako dirulaguntzekin. Edozein modutan, ez da gain-finantzaketarik egongo, eta hala gertatuko balitz, elkarteak dirua itzuli egin beharko luke.

SEIGARRENA.- Hitzarmen honek izaera administratiboa du eta bere interpretazioan eta garapenean dirulaguntzei aplikagarria zaien administrazioaren ordenamendu juridikoa aplikatuko da.

Interpretazio hori egitea, Astigarragako Udalari dagokio eta horrek hartutako erabakiek amaiera emango diote bide administratiboari eta hartzen diren unetik bertatik bete beharrekoak izango dira.

ZAZPIGARRENA: Hitzarmen honetako alde biek hartzen dituzten betebeharrak edo erantzukizunak, eta elkarrengandik dituzten eskubideak, eta hitzarmen honetan aurreikusten edo jasotzen ez den guztietarako, honako legeria aplikatuko da:

1. Apirilaren 2ko Toki Korporazioetako Oinarri arautzailearen 7/1985 zenbakidun Legea eta apirilaren 18ko erregimen lokaleko arauak biltzen dituen 781/1986 zenbakidun Testu Bateratua, beti ere Kontratu Legean ezarritakoaren aurka ez baldin badoa.
2. Herri Administrazioetako Dirulaguntzak arautzen dituen azaroaren 17ko 38/2003 Legea.
3. Uztailaren 21eko 887/2006 Errege Dekretua, zeinen bitartez dirulaguntza orokorrak arautzen dituen azaroaren 17ko 38/2003 legearena erreglamentua onartzen dena.
4. Dirulaguntzen Udal Ordenantza (*ordenantza eskura dago udalaren webgunean: <https://www.astigarraga.eus/eu/beste-ordenantza-batzuk>*)
5. Honetaz gain, zuzenbide administratiboko arauak eta bere kasuan zuzenbide pribatuko arauak aplikatuko dira.

ZORTZIGARRENA.- Arantzazuko Ama ikastolako Artune guraso elkarteak 3.5.an adierazitako epean Astigarragako Udalari urteko jardunaren txostena aurkeztuko dio ondoko informazio eta agiriekin batera:

- Memoriaren fitxa osatuta (emanaldiak, datak, parte-hartzaileak, balorazioa, argazkiak...),
- Gastuen excel **zerrenda** (gastu bakoitzaren zergatia edo azalpena eta bakoitzari dagokion faktura edota egiaztagiriak zerrendaren ordena berean), **faktura**, tiket edota ordainagiriak eta horiek ordaindu izanaren agiriak (**transferentzia agiriak**)
- Diru sarreraren zinpeko agiria.
- Hizkuntza eta berdintasun fitxak eta ikus-entzunezko eta material grafiko oro (kartel, esku-orri, bideo...).

BEDERATZIGARRENA: Hitzarmen honetatik sortzen diren auziak administrazioko auzigaietarako jurisdikzioaren menpe geratuko dira.

Horrela jaso dadin eta ados daudela adierazteko hitzarmen hau sinatu dute hasieran adierazitako lekuan eta datan.

Xabier Urdangarin Lasa



Alkatea

Astigarragako Udalaren izenean

Ainhoa Aranzabal Duran



Arantzazuko Ama ikastolako
Artune guraso elkartearen izenean

